

გასვლითი მატჩების წინ...

თბილისი. ვ. ი. ლენინის სახელობის „დინამოს“ სტადიონი. 6 აპრილი. 75000 მაყურებელი.

„დინამო“ (თბილისი) – „მეტალისტი“ (ხარკოვი) 2:2 (1:2)

„დინამო“: გაბელია, კეტაშვილი, ჩივაძე, ჭელია, კუდინოვი, ჯოხაძე, გურული (ცაავა, 69), სულაქველიძე, გოგრიჯანი (შენგელია, 55), გაბაევი, ჩელებაძე.

„მეტალისტი“: კუტეპოვი, კრიაჩკო, კუზნეცოვი, პანჩიშინი, კამარზაევი, მახინია, ლოზინსკი, დუმანსკი (ჟურავლიოვი, 79) ვაშჩენკო, ტარასოვი (იავორსკი, 66), აჯოევი.

მსაჯე: ვ. დორონინი (მოსკოვი)

გოლები: გაბაევი (4), კამარზაევი (30), პანჩიშინი (40), პანჩიშინი (64, საკუთარ კარში).

გააფრთხილეს ვაშჩენკო, იავორსკი.

ხარკოვის „მეტალისტი“ უმაღლესი ლიგის იმ გუნდების რიცხვს მიეკუთვნება, რომელთა სამოქმედო პრინციპი, ასე ვთქვათ, საფეხბურთო კრედიო, ყოველივე იმის დანგრევას, რის შექმნასაც მეტოქე შეეცდება. თავად ხარკოველი ფეხბურთელები ნაკლებად ზრუნავენ შექმნაზე და მთელი გულისყური იქით აქვთ მიმართული, როგორმე ამ „ნგრევის“ ტაქტიკისგან მიიღონ რაიმე სარგებელი. ისინი არ თაკილობენ არც „მსუბუქი ჯარიმის“ ტაქტიკას, არც ბურთის უმისამართო მოგერიებას (უფრო ხშირად – აუტში), არც დროის გაყვანის სხვადასხვა ხერხს და ხშირად არც აშკარა, ყოველად დაუფარავ უხეშობას. ერთი სიტყვით ნუ გვინწყენენ ამ გუნდის ქომაგები – თუ ხარკოველი არა ხარ, ძნელია სიმპათიით განიმსჯვალო „მეტალისტის“ მიმართ.

ასეთი მეტოქის წინააღმდეგ თამაშს თავისი სირთულეები ახლავს და ეს, რა თქმა უნდა, თბილისელებმაც კარგად იცოდნენ: ფეხბურთელებმა – საკუთარი გამოცდილებით, გულშემატკივრებმა – იმ მატჩებით, რომლებიც სანახაობრივი თვალსაზრისით იშვიათად თუ ყოფილა მიმზიდველი. დინამოელები უთუოდ საგანგებოდ ემზადებოდნენ ხარკოველთა გაძლიერებული დაცვის დასაძლიევად, მაგრამ ვფიქრობ, მათზე ფსიქოლოგიურად თუ შეიძლება ითქვას, დამამშვიდებლად იმოქმედა იმ გარემოებამ, რომ ხუთი ტურის შემდეგ „მეტალისტს“ სატურნირო ცხრილის ბოლო საფეხური ეკავა და აქტივში ერთი გამარჯვებაც არ ეწერა. თუ მატჩამდე ჩვენი ფეხბურთელები მაინც ებრძოდნენ თავდაჯერებულობის სიმპტომებს, თამაშის დაწყებისთანავე ამ სიმპტომებმა აშკარად იჩინა თავი. იქნებ პარადოქსულადაც უღერდეს, მაგრამ მასპინძლებს ცუდი სამსახური გაუწია შეხვედრის დასაწყისში გატანილმა გოლმა, რომელმაც შექმნა მცდარი შთაბეჭდილება, თითქოს „მეტალისტის“ დამარცხება არავითარ სირთულეს არ წარმოადგენს. მართლაც, სტუმართა კართან შექმნილი პირველივე სახიფათო მომენტი წარმატებით დაგვირგვინდა: მე-4 წუთზე გოგრიჯანმა მარჯვენა ფლანგიდან მოაწოდა კუთხური და

გაზაფხუმი თავერი დარტყმით გახსნა ანგარიში 1:0. ამის შემდეგ მთელი პირველი ტაიმის განმავლობაში დინამოელები სულ ორჯერ დაემუქრნენ მეტოქის კარს: 25-ე წუთზე ჯოხაძის მიერ მოწოდებული კუთხურის შემდეგ, გოგრიჯიანი ლამაზი ნახტომით თავით დაარტყა ბურთი, მაგრამ მიზანს ააცდინა, 41-ე წუთზე კი გურულის საჯარიმო (30-32 მეტრიდან) კუთხურზე მოიგერია კუტეპოვმა. რაც შეეხება „მეტალისტს“, იგი, გარდა იმისა, რომ ორი გოლი გაიტანა, კიდევ ერთხელ სულ ახლოს იყო მიზანთან. მე-15 წუთზე მახინამ საჰაერო ბრძოლა მოუგო ჩვენს მცველებს. მისი თავერი დარტყმა ზედა ძელმა მოიგერია, მაგრამ ბურთს ახლა აჯოფი დაუხვდა და ასევე თავით დაარტყა კარში – ამჯერად გაბელიამ იმარჯვა. დინამოელთა კარში გატანილი ორივე გოლი შორეული დარტყმების შედეგი იყო: 30-ე წუთზე კამარბაევმა 23-24 მეტრიდან ძლიერად დაარტყა მარჯვენა „ცხრიანში“ (გაბელიას ეტყობა, ეგონა, რომ ბურთი კარს სცდებოდა), ათი წუთის შემდეგ კი ასევე მოიქცა პანჩინი. სტუმრები დანინაურდნენ – 2:1.

შესვენების შემდეგ, 55-ე წუთზე, გოგრიჯიანი შეცვალა შენგელიამ, რომელმაც გამოცოცხლება შეიტანა დინამოელთა თამაშში. იგი ბევრს მოძრაობდა, გამუდმებით ეძებდა ცარიელ ადგილებს და ხშირად მინდვრის სიღრმეშიც იხევდა უკან, საიდანაც საკმაოდ ზუსტი გადაცემებით ამარაგებდა პარტნიორებს. ანგარიში 64-ე წუთზე გათანაბრდა. შენგელია მარჯვენა ფრთაზე უბურთოდ გაიჭრა წინ, იგი შენიშნა გურულმა და ბურთის მიწოდებაც სცადა, მაგრამ პანჩინმა ნახტომით ჩაჭრა ეს გადაცემა და... საკუთარ კარში გაიტანა გოლი – 2:2 (სხვათა შორის, ბურთი შენგელიას რომ მიეღო, გოლი არ ჩაითვლებოდა, რადგან თბილისელთა თავდამსხმელი თამაშგარე მდგომარეობაში იყო).

მატჩის ბოლო 20 წუთი მასპინძელთა უპირატესობით წარიმართა, მაგრამ კუტეპოვის კართან რეალური საგოლე მომენტი მხოლოდ ორჯერ შეიქმნა. 73-ე წუთზე შენგელია-გაზაფხუ-ჩელებაძის კომბინაცია ვერ დაასრულა ამ უკანასკნელმა. 82-ე წუთზე კი უკვე თავად გაზაფხუ ვერ გამოიყენა შენგელიას ზუსტი პასი. საანგარიშო მატჩმა კიდევ ერთხელ დაგვანახა, რომ თუ წარმატების მოპოვება გინდა, ნებისმიერ მეტოქესთან ძალების სრული მობილიზებაა საჭირო.

ახლა დინამოელებს მეტად საპასუხისმგებლო გავლითი მატჩები ელით. წარმატება ვუსურვოთ ჩვენს ფეხბურთელებს.

დავით კაკაბაძე
ლელო 08.04.1986